



**MEMORIA XUSTIFICATIVA DO CONVENIO DE COLABORACIÓN
ENTRE A ESCOLA GALEGA DE ADMINISTRACIÓN PÚBLICA, O
VALEDOR DO POBO E O CONSELLO DE CONTAS DE GALICIA,
PARA A CONVOCATORIA E O DESENVOLVEMENTO DO CURSO
SUPERIOR DE ESPECIALIZACIÓN EN TRANSPARENCIA, BO
GOBERNO E DATOS PÚBLICOS.**

(1) A Escola Galega da Administración Pública (EGAP) –pertencente á Vicepresidencia e Consellería de Presidencia Administracións Públicas e Xustiza- é o órgano da Administración autonómica que ten atribuído o exercicio das competencias en materia de formación ao persoal empregado público.

No mencionado ámbito material, constitúe un dos obxectivos, segundo o artigo 3.1 h) da Lei 4/1987, do 27 de maio, de creación da EGAP o establecemento de convenios e a celebración de intercambios con organismos semellantes das Administracións Públicas, a nivel estatal e internacional.

(2) Antecedentes: Que a EGAP é un organismo autónomo de carácter administrativo e unha entidade de dereito público con personalidade xurídica propia, que actúa con plena autonomía funcional para o cumprimento dos seus fins.

Que a Lei 4/1987, do 27 de maio, pola que se crea a EGAP, menciona entre os fins da Escola a formación, o perfeccionamento, a investigación, a documentación, o estudo e a realización de traballos de divulgación no campo da administración pública, promovendo á súa máxima difusión.

Que o Valedor do Pobo é o alto comisionado do Parlamento de Galicia para a defensa no ámbito territorial da Comunidade Autónoma, dos dereitos fundamentais e as liberdades públicas recoñecidos na Constitución e para o exercicio das demais funcións que a Lei 6/1984, de 5 de xuño, lle atribúe.

A actividade do Valedor do Pobo estenderase á tutela dos dereitos individuais e colectivos emanados do Estatuto de autonomía, en especial, os sancionados no seu título preliminar.

A estes fins, e no exercicio das funcións que lle encomendan o Estatuto de autonomía e a Lei 6/1984, o Valedor do Pobo poderá supervisar a actividade da Administración da Comunidade Autónoma galega e a dos seus entes e empresas públicas ou dependentes, así como a da Administración local naquelas materias que son competencia desta Comunidade autónoma.

Que o Consello de Contas de Galicia é un órgano de fiscalización externa das contas e da xestión económico-financeira e contable do sector público da Comunidade Autónoma de Galicia. O Consello de Contas foi creado polo Estatuto de





Autonomía (artigo 53.2) e regulado na súa organización e funcionamento pola Lei 6/1985, do 24 de xuño. A lei 8/2015, do 7 de agosto, de modificación da anterior, confírelle competencias en materia de prevención da corrupción no ámbito do sector público autonómico e funcións consultivas, configurándose como órgano asesor do Parlamento de Galicia en materia económico-financeira. A Institución é de igual xeito competente para todo o concernente ou seu goberno, ao seu réxime interior e ao persoal ao seu servizo.

(3) Finalidade Para os efectos sinalados, formalízase coa Vicepresidencia e Consellería de Presidencia, Administracións Públicas e Xustiza, o Valedor do Pobo e o Consello de Contas de Galicia o instrumento convencional arriba referido por un período de vixencia que abrangue dende a data da sinatura por tódalas partes -3 de outubro de 2016- ata o 31 de decembro do 2016.

(4) O obxecto deste convenio entre a EGAP, o Valedor do Pobo e o Consello de Contas de Galicia, é a convocatoria, organización e desenvolvemento do “Curso superior de especialización en transparencia, bo goberno e datos públicos”.

(5) O instrumento convencional que se asina ten por obxecto a realización das seguintes actuacións:

- Colaborar na organización e desenvolvemento da xornada sinalada na cláusula primeira.
- Participar economicamente coa cantidade que se detalla na cláusula cuarta do presente convenio
- As entidades asinantes poderán colaborar, a través da persoa que propoñan, na exposición dalgún dos epígrafes contidos no programa obxecto deste curso.
- Estará exento do pago da matrícula que se puidera establecer un empregado de cada unha das entidades asinantes.

(6) A EGAP para a organización e desenvolvemento do curso colabora coa posta a disposición das súas instalacións, dos seus medios telemáticos, e cos medios persoais e materiais para o correcto desenvolvemento do curso. Ademais colabora economicamente coa cantidade resultante da diferenza entre as achegas das outras dúas entidades e o custo total do curso, estimanda neste sentido a súa colaboración en 11.905 €, que se fai efectivo con cargo á aplicación 05.80.122B.226.17.

O Valedor do Pobo colabora coa organización e desenvolvemento do curso coa cantidade de 3.000 euros. Esta achega destínase ao cofinanciamento dos conceptos de docencia e faise efectiva con cargo á aplicación 01.02.111B.430.00 dos seus orzamentos.

O Consello de Contas colabora coa organización e desenvolvemento do curso coa cantidade de 3.500 euros, que se fai efectivo con cargo á aplicación 02.01.111C.226.06 dos seus orzamentos.





XUNTA DE GALICIA

VICEPRESIDENCIA E CONSELLERÍA DE PRESIDENCIA,
ADMINISTRACIÓNS PÚBLICAS E XUSTIZA
Secretaría Xeral Técnica

Edif. Adtvo. San Caetano, s/n
15781 Santiago de Compostela
Tlf.: 981 544 513 Fax: 981 544 601



As cantidades contidas nos apartados anteriores son transferidas á EGAP á conta ES 21 2080 0388 26 3110000100, unha vez asinado o convenio, antes da realización do curso.

Á finalización do curso, a EGAP remite a conta xustificativa de ingresos e gastos ás entidades cofinanciadoras cara a acreditar a aplicación dos fondos recibidos e practicar a liquidación dos anticipos conforme ao saldo de gastos que resulta daquela conta. Se existe saldo favorable desta liquidación é reintegrado a cada parte conveniente de xeito proporcional a contía da súa achega.

(7) Polo exposto, considérase xustificada a utilización do instrumento do convenio para articular as actuacións de referencia, quedando o dito convenio fóra do ámbito de aplicación do texto refundido da Lei de contratos do sector público, aprobado polo Real Decreto Lexislativo 3/2011, do 14 de novembro, con independencia de que, ao abeiro do previsto no artigo 4.2 da dita norma, lle sexan de aplicación os principios desta norma para resolver as dúbidas e lagoas que se poidan presentar.

En Santiago de Compostela, a 4 de maio de 2017
O secretario xeral da EGAP,

Asdo. Sergio Domingo Baamonde Boquete

